

Bosna i Hercegovina
Federacija Bosna i Hercegovina
Kanton Sarajevo
OPĆINA HADŽIĆI

Na osnovu člana 119. Zakona o prostornom uređenju ("Sl.novine Kantona Sarajevo", broj: 24/17 i 1/18) i člana 38. Statuta Općine Hadžići ("Službene novine Kantona Sarajevo", broj: 15/09, 17/12, 10/13, 14/13-ispravka, 11/18 i 1/20), Općinski načelnik putem Službe za prostorno uređenje, urbanizam i građenje Općine Hadžići, objavljuje

J A V N I P O Z I V

**za podnošenje prijava za učešće u radu Komisija za tehnički pregled
izgrađenih građevina na području općine Hadžići za 2024. i 2025. godinu**

I

Pozivaju se zainteresovana fizička lica da podnesu prijave za vršenje tehničkih pregleda građevina za 2024. i 2025. godinu na području općine Hadžići, a u skladu sa Zakonom o prostornom uređenju ("Sl.novine Kantona Sarajevo", broj: 24/17 i 1/18), sljedećih struka:

- arhitektonske,
- građevinske,
- elektrotehničke,
- mašinske,
- saobraćajne,
- geodetske,
- zaštite od požara i eksplozije,
- zaštite na radu,
- sanitarne zaštite,
- veterinarske.

II

Tehnički pregled mogu vršiti samo diplomirani inženjeri odgovarajuće struke sa pet (5) godina radnog iskustva u struci i položenim stručnim ispitom.

III

Tehnički pregled ne mogu vršiti službena lica koja su učestvovala u postupku izdavanja lokacijske informacije, odnosno donošenja urbanističke saglasnosti i odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom objekta i drugi inspektori i lica sa posebnim ovlaštenjima, u čijem su djelokrugu poslovi upravnog nadzora.

IV

Uz potpisanu prijavu sa tačnom adresom i brojem telefona treba priložiti:

- ovjerenu kopiju diplome,
- ovjerenu kopiju uvjerenja o položenom stručnom ispitu,
- potvrdu o radnom iskustvu u struci nakon sticanja diplome iz tačke II Javnog poziva,
- kopiju lične karte,
- ovjerenu izjavu-kojom podnosilac izjavljuje da će blagovremeno pismenim putem obavijestiti Službu za prostorno uređenje, urbanizam i građenje Općine Hadžići o svom izuzeću u slučaju da je u srodstvu sa investitorom objekta koji je predmet tehničkog prijema, kao i u slučajevima navedenim u članu 119. Zakona o prostornom uređenju („Službene novine Kantona Srajevo“, broj: 24/17 i 1/18)

Uz prijavu na javni poziv neophodno je navesti tačnu adresu i općinu stanovanja, broj telefona (fiksno i mobilno), naziv poslovne banke i broj transakcijskog računa.

Dokumentaciju iz predhodnog stava dužna su dostaviti i lica koja su bila uvrštena na Listu lica koja ispunjavaju uslove za vršenje poslova tehničkog pregleda građevina za 2022. godinu i 2023. godinu.

V

U slučaju postupanja suprotno odredbama Zakona, rješenja o imenovanju ili ukoliko angažovano lice bude dva puta zamijenjeno narednim kandidatom sa liste, a isto ne opravda nepostupanje po rješenju, angažovano lice gubi pravo da vrši tehnički pregled građevina u tekućoj godini.

VI

Nakon komisijskog pregleda i obrade pristiglih prijava usvojena lista lica koja ispunjavaju uslove za objavljivanje poslova tehničkog pregleda građevina će biti objavljena na oglasnoj ploči Općine Hadžići, najkasnije u roku od 30 dana od dana zaključenja Javnog poziva.

Dokumentacija priložena uz prijavu se ne vraća podnosiocu.

VII

Prijave sa potpunim dokazima o ispunjavanju uslova Javnog poziva podnose se u roku od 15 (petnaest) dana od dana objavljivanja, neposredno na protokol Općine Hadžići ili putem pošte.

VIII

Javni poziv ostaje otvoren 15 dana od dana objavljivanja istog u dnevnom listu.

IX

Prijave se dostavljaju na adresu:

Općina Hadžići

Služba za prostorno uređenje, urbanizam i građenje

(Komisija za otvaranje prijava i odabir stručnih lica za učešće u radu komisija za tehnički pregled građevina izgrađenih na području općine Hadžići)

Ul. Hadželi 114

71240 Hadžići

Sa naznakom "Prijava na Javni poziv za učešće u radu Komisija za tehnički pregled građevina izgrađenih na području općine Hadžići za 2024. i 2025. godinu".

Nepotpune i neblagovremene prijave se neće razmatrati.

Lista lica koja ispunjavaju uslove za vršenje tehničkog pregleda građevina primjenjivat će se od 01.01.2024. godine.

Broj: 07-19-2-10001/2023

Hadžići, 20.10.2023. godine

Po ovlaštenju Općinskog načelnika
03/3-34-4-8546/20 od 20.11.2020.godine
Pomoćnik načelnika

Proha Eldar

